

Атомн селм сөрлгъиг уурулхмн

Мана орн-нутгин балгъсд болн селадър кесг олт улс орлцлгъта митингс болад, тер митингс деер күч-көлсчнр ядерн селм сөрлгъиг уурулхин туск төрәр кеджәх Советск правительствин политикиг чик гидж нег дуугъар дөнънәд, төвкнүн бәәлгъиг харслгъна Советск комитет болн Төвкнүн бәәлгънә Нарг делкән Советин бюро, ядерн селм сөрлгъ келгъиг уурулхмн гидж некджәх неквриг бас дөнънджәцхәнә.

Московск Орджоникидзен нертә заводин станкс тосхачнрин митингд босдж үг келсн механическ хойрдгч цехин багъчудин бригадин бригадир үр Петров, заводин кесг олт багъчудин нерн деерәс иигдж герчлв:

—Водородн болн атомн селм сөрлгъиг уурулхин туск төрәр Советск правительствин кедж йовх көдлмшиг мана заводин багъчуд дөнънджәцхәнә. Бидн, советск багъчуд, төвкнүн инъг-амрг болдж бәәх дуртавдн, эврәннь үрдән мөнд-эрүл болгъхар седджәнәвдн. Атомн болн водородн селм сөрлгъиг уурахин туск төрәр СССР-н Деед Советин гаргъсн шиидвриг бидн чик

гидж дөнънджәнәвдн. Тер митингд орлцачнр, атомн болн водородн селмс сөрлгъиг уурулхиг некгч резолюц батлдж авцхав.

Ереванск Кировин нертә заводин коллективин хург деер, Төрскнә Алдр дәәнд орлцсн үр Мурагян босдж, әвргә гидг халун үг келв.

Эн иигдж келв:

—Бидн, советск улс, әмтиг олар алгч зеткртә селм сөрлгъиг цаг тудәл угарулхин туст болн зертә-зевгә күчиг хасхин туст кедж йовх, мана төрскн правительствин ни көлмшиг ик омгтагъар дөнънджәнәвдн.

Митингд орлцачнр нег дуугъар резолюц батлдж авцхав. Атомн болн водородн селм сөрлгъиг уурулхин туст кесн Төвкнүн бәәлгъиг харслгъна Советск комитетин герчлгъиг болн Төвкнүн бәәлгънә нарг делкән Советин бюрон дуудвриг ик чик гидж тер авсн резолюцд келгдджәнә.

Ядерн селм сөрлгъиг уурулхиг некджәх кесг олт митингс болн хургуд бас Кие, Харьковд, Минскд, Кишенәд орн-нутгин талдан чигн кесг балгъсдар болцхав.